



Wann die Fruchthall plaudre kennt.

Wann die Fruchthall plaudre kennt,
Die dhed waß verrore,
Waß se Alles mitgemacht
Hat schun all die Johre;
Glick un Unglick, Euscht un Lääd,
Gut un böse Dahe,
Alles waß die Stadt betroff,
Hat geholf se drahe.

In de gure alte Zeit,
Wo's noch net dhut hääße,
Laudere bei Enkebach,
Wammer will verääße;
Wo mer uff'm Schillerplatz
Noch uff Gras kund laase,
Hat mr hie e Hall gebaut,
Dhut se Fruchthall daase.

Urschbringlich dezu beschtimmt
Obst un Frucht se sammle,
Wo die Baure 'reiⁿgebrung,
Uff'm Markt se hannle,
War im zwätte Schtock e Saal,
Groß mit Gallerie,
Daß mr, wann 'mol hie wasß los,
Wääß wohi' se ziehe.

Schun im achtunverziger Johr
Bei dem große Rummel
Hat sich dort im Fruchthallsaal
Manches Maul gedummelt,
Dwe flieht nor so erum
Bliß un Pulwerkrache,
Unne dhun die Buwe schun
Die Badrone mache.

Wie e Johr druff dann e Gnn
Die Geschicht genumme,
Wie mit dem Kardätscheprinz
Sinn die Breise kumme,
Do löst in de Fruchthall ah
Noch deß viele Dose,

Dann der hat e Mancherähm
Schtramm de Marsch geblose.

Biere-, sechseschzig dann,
Siewezig deß Analle,
Alles dhut im Fruchthallsaal
Dreilich wirrerhalle;
Un wie mer dann mit dem Reich
Ah die Wahle kriehe,
Maⁿ, dann reißt's glei gar net ab
's Redde dort un 's Viehe.

Daß dann mit de Boledik
Aläⁿschadt-Interesse
Käⁿneswegs zu forz kumm sinn,
Will ich net vergesse.
Danz, Nummerie un Gesang
Hört mr oft vun unne,
Un wie manches alte Paar
Hat sich dort gefunne.

Immer mähⁿ hat sich gehob
Innerhalb de Berjer,
De Besuch vum Fruchthallsaal
Werd jezt immer schtärker;

Deß Gedräng un deß Geschdubb
Uff de Drepp, käⁿ Wunner,
Daf 's am e schäⁿne Dah
Kummt vun owe runner:

„Bis uff Weiteres geschloß
Muß die Fruchthall werre,
Bis die Dreppe un die Gäng
Ebbes bräärer werre.“

Nor zwää Klasse vun de Schul
Dhut mr drin noch dulde,
Weil die Shtadt for nei se baue
Grad genung in Schulde.

Schwer genunk hat mr beholf
Dann sich mit de Säächer,
Bis die Fruchthall umgebaut
For Kunzert un Bäächer;
Wann de iwer sell un deß,
Freindche, aah noch wetterscht,
Schäⁿ isß 's doch, doch 's Schäⁿnschte isß,
's Hinnerischt isß jetzt 's vetterscht.

's Blaschter zwar vor ehre Dehr
Hat noch grad so Holbre,

Un hat wer zu viel gedrunke,
Fangt er a" se schtolpre,
Selbscht e Schokolada"strich
Dhut mir an se hänge,
Daz die Farb net lang gehall,
Kammer leicht sich denke.

Karnewall, Kunzert un Baal,
Wahle, Ausstellungen,
Alles werdd im Fruchthallsaal
Unner jetzt gebrunge;
Sozial und national,
Zentrumsleid un Baure,
Selbscht manch' hohen Gastsch begrüßt
Se in ehre Maure.

Guckt se jezerd ah redur,
Uff e Klä"nes Älter,
Hat se mähner doch erlebt
Als manch Ähns, des älter,
's Renommire un 's Geschmuß
Iß bei ehr net Moore,
Awer wann se plaudre kennt,
Dheed se was verröre.